

大明會典

大明會典卷之六十二

禮部二十

房屋器用等第

國初著令。凡官民服色冠帶房舍鞍馬貴賤各有等第。上可以無下。下不可以僭上。官員任滿致仕與見任同。其父祖有官身歿非犯除名不敘子孫許居父祖房舍。及衣服車馬有官者依品級。其

御賜者及軍官軍人服色不在禁例。又禁凡服色器皿房屋等項。並不許雕刻刺繡古帝王后妃聖賢人物故事。及日月龍鳳獅子麒麟犀象等形。

所以辨上下。定民志。至今遵守不敢違越。其禁制備列于後。

凡房屋。洪武二十六年定。官員蓋造房屋。並不許歇山轉角。重簷重栱。繪畫藻井。其樓房不係重簷之例。聽從自便。○公侯前廳七間。或五間。兩廡九架。造中堂七間。九架。後堂七間。七架。門屋三間。五架。門用金漆。及獸面擺錫環。家廟三間。五架。俱用黑板瓦蓋。屋脊用花樣瓦獸。梁棟斗拱。簷桶用綠色繪飾。窗枋柱用金漆。或黑油飾。其餘廊廡庫廚從屋等房。從宜蓋造。俱不得。

過五間七架○一品二品廳堂五間九架屋脊  
許用瓦獸梁棟斗拱簷桶用青碧繪飾門屋三  
間五架門用綠油及獸面擺錫環○三品至五  
品廳堂五間七架屋脊用瓦獸梁棟簷桶用青  
碧繪飾正門三間三架門用黑油擺錫環○六  
品至九品廳堂三間七架梁棟止用土黃刷飾  
正門一間三架黑門鐵環○一品官房舍除正  
廳外其餘房舍許從宜蓋造比正屋制度務要  
減小不許太過其門窻戶牖並不許用硃紅油  
漆○庶民所居房舍不過三間五架不許用斗

拱及綵色妝飾○又定在京功臣宅舍地勢寬者住宅後許留空地十丈左右邊各許留空地五丈若見住舊居所在地勢窄隘止仍舊居不許那移軍民以留空地官員之家住宅照依前定丈尺不許多留空地過此即便退出令子孫赴官告給園地另於城外量撥功臣之家不許於住宅前後左右多占地丈蓋造亭館或開掘池塘以為游翫公侯内外文武四品以上官不得令子孫家人於市肆開張鋪店生放錢債及出外行商中鹽興販物貨○三十五年申明軍

民房屋不許蓋造九五間數。一品二品廳堂各七間。六品至九品廳堂棟梁止用粉青刷飾。庶民所居房屋從屋雖十所二十所隨所宜蓋。但不得過三間。○正統十二年令庶民房屋架多而間少者不在禁限。

凡車輿洪武元年定。並不得雕飾龍鳳紋。職官一品至三品許用間金妝飾。銀螭繡帶青幔。四品五品素獅頭繡帶青幔。六品至九品用素雲頭素帶青幔。轎子比同車製。庶民車用黑油齊頭平頂。皂幔轎子比同車製。並不許用雲頭。○

六年。令凡舟車坐轎。除紅漆外。許雜色漆飾。五品以上。車用青幔。餘並不許。其坐轎止許婦人及官民老疾者乘之。○景泰四年。令在京三品以上。許乘轎。其餘不許違例。在外各衙門俱不許乘轎。○弘治七年。申明兩京及在外交武官員。除奉有

旨及文武例應乘轎者止。許四人扛擡。其兩京五府管事并內外鎮守守備等項。公侯伯都督等官不分老少。皆不許乘轎。違例乘轎及擅用八人者。指實奏聞。○萬曆三年。奏准武職衙門及勲

成等官俱不許僭用四人帷轎與肩輿及擅用  
交牀上馬。違者聽科道官及巡視衙門叅奏重  
處。指揮以下京衛調外衛外衛調邊衛俱帶俸  
差操。

凡傘蓋洪武元年令庶民並不得用羅絹涼傘。  
許用油紙雨傘。○三年令京城內一品二品許  
用傘蓋其餘止許用雨傘。京城外聽用之。○十  
六年令尚書侍郎左右都御史通政使太常卿  
應天府尹國子祭酒翰林等學士許張傘蓋。○  
二十六年定一品二品銀浮屠頂茶褐羅表紅



絹裏三簷。三品四品用紅浮屠頂茶褐羅表。紅絹裏三簷。以上傘蓋俱用黑色茶褐。雨傘俱用紅油絹。五品用紅浮屠頂青羅表。紅絹裏兩簷。雨傘同四品。六品至九品用紅浮屠頂青絹表。紅絹裏兩簷。雨傘俱用油紙。○三十五年申明官員傘蓋不許用金繡硃紅妝飾。公侯駙馬伯與一品二品同。○成化九年。令兩京官員油傘遇雨任用。其涼傘京城內不許張設。若出郊在外。不拘此限。

凡鞍轡。洪武元年。令庶民不得描金。惟用銅鐵。

妝飾○二十六年定。公侯一品二品用銀減鐵事件。靴用描銀。三品至五品用銀減鐵事件。靴用油畫。六品至九品用擺錫鐵事件。靴用油畫。

○三十五年申明官民人等鞍轡馬領下纓并鞍轡俱用黑色。不許紅纓及描金嵌金夫青硃紅妝飾。軍民用鐵事件。黑綠油靴。

凡帳幔。洪武元年。令並不許用赭黃龍鳳文。職官一品至三品許用金花刺繡紗羅。四品五品刺繡紗羅。六品以下許用素紗羅。庶民用紗絹。

○三年。令職官一品至五品。帳幔許用綾羅紗。

被褥用紵絲錦繡。六品至九品。帳幔許用紗絹。  
被褥用綾羅紬絹。庶民用紬絹布。


凡器皿。洪武二十六年定。公侯一品二品。酒注  
酒盞用金。餘用銀。三品至五品。酒注用銀。酒盞  
用金。六品至九品。酒注酒盞用銀。餘皆用戔漆。  
木器。並不許用硃紅。及抹金描金。雕琢龍鳳文。  
庶民酒注用錫。酒盞用銀。餘戔漆。○又令官員  
牀面屏風。榻子。並用雜色漆飾。不許雕刻龍鳳  
文。並金飾硃漆。○又令軍官軍士。應用弓矢。止  
是黑漆。弓袋箭囊。並不許用硃漆描金妝飾。○

三十五年申明官民人等不許僭用金酒爵其椅卓木器之類亦不許用硃紅金飾○正德十六年奏准職官一品二品器皿不許用玉止許用金。以為定例。其商賈技藝之家器皿不許用銀。餘與庶民同。官吏人等不許僭用金酒爵。其椅卓木器之類並不許硃紅金飾。


凡寺觀菴院。洪武三年。令除殿宇梁棟門窻神座案卓。許用紅色。其餘僧道自居房舍並不許起造斗拱。彩畫梁棟。及僭用紅色什物牀榻椅子。○六年。令凡各處僧道寺觀。金彩妝飾神佛。

龍鳳等像除舊有外。不許再造○天順八年  
詔京城內外寺觀今後不許增修請額

公侯及一品二品	許用銀減鐵事件	描銀靴三品至五	品用銀減鐵事件	油畫靴六品至九	品用擺錫事件油	畫靴
---------	---------	---------	---------	---------	---------	----



大明會典卷之六十二



大明會典卷之六十三

禮部二十一

冠禮一

按冠禮

天子止一加。用衮冕。太尉設纁。太師受冕。

太子皇孫年十二。或十五。始冠。

天子自為主。擇三公太常為賓贊。凡三加冠。一祝醴。成化間始定祝詞醴詞。

勅戒詞其

諸王冠祝醴詞皆洪武間定。下及官民莫不有禮。備列于後。



皇帝冠禮

洪武三年定

前期太史院奉

制筮日。工部製冕服。翰林院撰祝文。祝辭。或用古辭。或臨時修撰。禮部備儀注。中書省承

制。命某官攝太師。某官攝太尉。既筮日。遣某官奏  
告

天地

宗廟行一獻禮訖。告示文武百官於

皇城守宿侵晨。具朝服行禮。前一日內使監令陳

御冠席於

奉天殿正中。設冕服案於

御冠席之南。香案又於冕服案南。尚寶卿設寶案於香案之南。侍儀司設太師太尉起居位於文樓之南。西向。設文官起居位於太師太尉起居位之後。設武官起居位於武樓之南。設太師太尉拜位於丹墀內道稍西。北向東上。設太師太尉侍立位於殿上。

御席之西。東向。設盥洗位於

丹陛西陛之下。東向。內贊二人位於殿上南楹之

左右東西相向。設文官拜位於丹墀內道之東。每等異位重行。北面西上。設武官拜位於丹墀內道之西。每等異位重行。北面東上。設使客位於文官拜位之東。北面西上。設殿前班諸執事起居位於武官起居位之北。東向。設侍從班諸執事起居位於文官起居位之北。西向。設宿衛鎮撫二人位於東西陛下。東西相向。護衛百戶二十四人位於宿衛鎮撫之南。稍後東西相向。典牧所官二人位於乘馬之前。東西相向。知班二人位於文武官拜位之北。東西相向。通贊典

禮二人位於知班之北。東西相向。通贊在西。贊禮在東。引太師太尉二人位於太師之北。西立東向。引文武班四人位於文武官拜位之北。稍後。東西相向。引殿前班二人位於引武班之南。引使者二人位於引文班之南。設殿前班指揮司官三員侍立位於

丹陛上之西。東向。光祿寺官三員位於

丹陛上之東。西向。拱衛司官位於殿門之左右。東西相向。文官侍從班起居注。給事中。殿中侍御史。尚寶卿位於殿上之東。西向。武官侍從班懸

刀指揮位於殿上之西。東向。護衛千戶八人位於殿東西門之左右。東西相向。典儀二人位於丹陛上之南。東西相向。鳴鞭四人位於

丹陛上。北向。將軍二人位於殿上簾前之左右。將軍六人位於殿門之左右。將軍四人位於

丹陛上之四隅。將軍六人位於

奉天門之左右。東西相向。是日侵晨。金吾衛陳設甲士於

午門外之東西。陳五輅於丹墀之南。北向。典牧所陳仗馬於文武樓之南。東西相向。陳虎豹於

奉天門外東西相向。協律郎陳樂於丹墀。文武官之南。鼓初嚴。催班舍人催文武百官具朝服。鼓次嚴。引班引文武官各依品從齊班於

午門外。以北為上。東西相向。通班贊禮知班典儀內贊宿衛鎮撫鳴鞭殿內將軍殿外將軍俱入就位。引班引殿前班指揮光祿卿各依品從序立於起居位。東西相向。諸侍衛官俱各服其器服。及尚寶卿侍從官入詣

謹身殿候迎。鼓三嚴。引班引文武官以序入就起居位。引使客立於文班之後。侍儀版奏外辦御

用監令奏請

皇帝服空頂幘。雙童髻。雙玉導。絳紗袍。御輿以出。侍御導從。警蹕如常儀。

皇帝將出。仗動。和聲郎作樂。太常博士引導至奉天殿。即

御位。樂止。捲簾。鳴鞭。雞唱報時訖。拱御司官由殿西門出。降西階。引班引入起居位。通班唱各供事。殿前班侍從班。及諸執事各就本位。引禮引太師太尉先入就拜位。引班引文武官俱入就丹墀拜位。知班唱班齊。典儀唱拜。贊禮唱鞠躬。樂

作四拜興。平身。樂止。引禮引太師先詣盥洗位。西向立。引禮唱搢笏盥手。太師搢笏盥手。引禮唱悅手。司中以巾進。太師悅手訖。引禮唱出笏。太師出笏。引禮引太師由西陞陞。引禮退就本位。太師至殿西門內贊接引至。

御席西東向立。引禮復引太尉詣盥洗位。西向立。引禮贊搢笏盥手。太尉搢笏盥手。引禮贊悅手。司中者以巾進。太尉悅手。引禮贊出笏。太尉出笏。引禮引太尉由西陞陞。引禮退復位。太尉至殿西門內贊接引入立於太師之南。侍儀跪奏請。



加元服。退復位。太尉進就

皇帝席前少右。跪搢笏。脫空頂幘。以授內使。內使跪受。幘興。置於櫛箱。櫛畢。設纓。出笏興。退立於西。太師進至

御前北向立。內使監令就案取冕。立於太師之左。太師祝曰。令月吉日。始加元服。壽考維祺。以介景福。內使監令捧冕跪授太師。太師搢笏跪受。冕加冠。加簪纓訖。出笏興。退立於西。內使監令徹櫛纓箱。御用監令跪奏請

皇帝著衮服。

皇帝興著衮服訖。侍儀跪奏請就御座。內贊贊進醴。樂作。太師進就。

御座前北面立。光祿卿奉酒進授太師。太師搢笏受酒至。

御前北面祝曰。甘醴維厚。嘉薦令芳。承天之休。壽考不忘。祝訖。跪授內使。內使跪受酒捧進。

皇帝

皇帝受酒祭少許。啐酒訖。以虛盞授內使。樂止。內使受盞降授太師。太師受盞興。以授光祿卿。光祿卿受盞退。太師出笏退復位。內贊引太師太尉。

出殿西門。樂作。降自西階。引禮接引就丹墀拜位立定。樂止。引禮退復位。典儀唱拜。贊禮唱鞠躬。四拜。興平身。樂止。贊禮唱稽首鞠躬。三舞蹈。贊跪唱山呼。百官拱手加額曰萬歲。唱山呼曰萬歲。唱再山呼曰萬歲。典儀唱出笏俯伏。興。樂作。四拜。興平身。樂止。典儀唱禮畢。侍儀奏禮畢。

皇帝興。樂作。警蹕侍從導引入宮。樂止。引禮引太師太尉及文武百官以次出。

皇帝改服通天冠絳紗袍入宮拜謁。

太后如正旦儀。擇日謁

太廟。其儀與時祭同。見

廟之明日。百官具公服稱賀畢。

賜宴於

謹身殿。並如正旦冬至朝會儀。

大明會典卷之六十三

大明會典卷之六十四

禮部二十一

冠禮

皇太子冠禮

洪武元年定

前期太史監承

制筮日。工部制衮冕。遠遊冠。折上巾服。翰林院撰  
祝文祝辭。禮部備儀注。中書省承

制。命某官為賓。某官為贊。既筮日。遣官奏告

天地

宗廟。禮部告示文武百官於

皇城守宿。至期之前一日。內使監令陳

御座香案於

奉天殿中。侍儀司設

皇太子次於殿之東房。賓贊次於

午門外。

皇太子拜位於

丹陛上正中。賓贊受制位於

皇太子拜位之西北。東向。承制官位於

御座之東。西向。宣制官位於

皇太子位之東北。西向。賓贊拜位於內道之東北。

面西上。餘陳設如朝會儀。至日清晨執事官設  
盥洗於東階東南。壘在洗東。篚在洗西。內使監  
官設

皇太子冠席於殿上東南。西向。醴席於西階上。南  
向。張帷幄於東序內。設褥席於帷中。又張帷於  
序外。御用監陳服於帷內東領北上。衮服九章。  
遠遊冠。絳紗袍。折上巾。絳紗袍。緇纁犀簪二物。  
同箱在服南。櫛實於箱。又在南司尊。實醴於側  
尊。加勺。梘設醴於席之南。設坫於尊東。置二爵  
於坫。進饌者實饌設於尊北。諸執事者皆立於



其所冕九旒遠遊冠十八梁折上巾冠冕各一箱盛執事者各執其物立於階之西東面北上鼓初嚴文武百官具朝服次嚴護衛等各就位東宮官導從

皇太子至殿門贊禮同太常博士引詣

奉天殿東房侍衛官入詣

謹身殿奉迎三嚴文武百官入就位

皇帝服通天冠絳紗袍御輿以出樂作陞座樂止捲簾鳴鞭報曉訖賓贊就位樂作四拜樂止侍儀司跪承

制降自東階詣賓前稍東西向稱有

勅賓贊跪侍儀宣

制曰

皇太子冠命卿等行禮宣訖贊皆四拜文武侍從班俱就殿內位賓贊及應行禮官詣東階下位東宮官太常博士詣殿前東房引

皇太子入就冠席樂作

皇太子即席樂止賓贊詣盥洗樂作搢笏盥悅出笏樂止陞自西階執事者捧折上巾進賓降一等受之右執項左執前進

皇太子席前北面祝。祝辭皆隨時撰述。祝畢。跪冠。樂作。興。席南北面立。贊冠者進。席前跪正冠。興立於賓後。內使跪進服。服訖。樂止。賓揖。

皇太子復坐。賓贊降詣盥洗。如前儀。贊冠者進。跪脫折上巾。置於箱。興以授內使。內使跪受。置於席。執事者捧遠遊冠進。賓降二等受之。樂作。進冠如前儀。贊冠者進。跪簪結紘。內使進服。樂止。賓揖。

皇太子復坐。詣盥洗。脫冠。俱如前儀。執事者捧袞冕進。賓降三等受之。進冠亦如前儀。畢。太常博

士引

皇太子下降自東階。樂作。由西階陞。即醴席南向坐。樂止。賓詣罍洗。樂作。盥。悅。陞自西階。樂止。贊冠。取爵詣司尊前。酌醴授賓。跪進爵於

皇太子席前。祝。

云祝畢。

皇太子搢圭。跪受爵。樂作。飲訖。奠爵執圭。進饌者捧饌設於

皇太子席前。

皇太子搢圭。食訖。樂止。執圭執事官徹爵與饌。太常博士引。

皇太子降自西階殿東房易朝服詣丹墀拜位。樂作。

東宮官各就拜位。樂止。賓贊詣

皇太子位稍東。西向。賓少進字之。辭曰奉

勅字某。太常博士啓

皇太子再拜。跪聽宣

勅畢。復再拜。興進

前跪。奏曰。臣不敏。敢不祗奉。奏畢復位。侍立。官並降殿復位。在位官皆四拜禮畢。

皇帝興。樂作。還宮。樂止。內給事導

皇太子入內朝見

皇后。如朝正旦儀。百官以次出。明日。謁

廟。如時享禮。陪祭官先赴

廟庭。

皇太子服袞冕執圭。太常博士前導。由南門入。至  
拜位。

皇太子及陪祭官皆再拜興。

皇太子陞殿。詣

神位前。三上香。復位。及陪祭官皆再拜畢。

皇太子還宮。明日。百官具朝服。詣

奉天殿稱賀。退易公服。詣

東宮稱賀。

賜宴。

成化十四年續定

前期二日。各執事官先於禮部習儀。次日赴

文華殿習儀。前期一日。遣官具特牲告

廟。行一獻禮。錦衣衛設幕次於

文華殿之東序。鴻臚寺設節案於殿內之北正中。

設香案於節案之南。設冠席於殿內之東南向。設醴席於西上南向。內侍張帷幄於東序內。設

座椅几案褥褥於幄中。又張帷於序外。陳袍服皮弁服衮服圭帶舄等物。各以箱盛。置於帷中案上。具翼善冠皮弁九旒冕。各用盤盛。以紅袱覆之。置於東階之南案上。光祿寺設盥洗所於東階。冠案之南稍東。設司尊所於醴席之西南。司尊者實醴於側尊。加勺。幕設坫於尊東。置二爵於坫。進饌者實饌設於尊北。諸執事者皆立於其所。教坊司設樂。是日早。

上具皮弁服。御華蓋殿。鴻臚寺奏請陞殿。傳制遣官。文武百官各具朝服侍班如常儀。



制詞曰。朕皇太子某冠命卿等持節行禮節將至。  
禮部官詣東序啓

皇太子迎節。樂作。禮部官導

皇太子出迎於殿門外。持節官捧節入置於案。退  
立於節案之東。樂止。禮部等官導

皇太子詣香案前。樂作。行四拜禮畢。樂止。持節官  
同賓贊并宣勅戒等官序立於東南盥洗之次。

禮部官啓

皇太子就冠席。樂作。禮部等官導

皇太子詣冠席。內侍二人夾侍。

皇太子即席西南向坐。樂止。鴻臚寺鳴贊。贊行初加冠禮。樂作。引禮序班引賓贊。皆詣盥洗所。賓贊皆搢笏。以次盥手訖。出笏。樂止。鳴贊二人稍南。東西向立。賓贊官陞自東階。稍西向立。內侍揭蓋帟。樂作。以盤捧翼善冠陞。賓降階。一等受之。樂止。賓右手執冠。後左手執冠前進。

皇太子席前北面立。祝曰。吉月令辰。乃加元服。懋敬是承。永介景福。樂作。賓跪進冠。興復位。贊者跪正冠。興立於賓後。樂止。禮部官啓易服。

皇太子入帷幄。易新袍服出。禮部官啓復坐。鳴贊

贊行再加冠禮。樂作。內侍揭蓋袱。以盤捧皮弁。陞賓降階。二等受之。樂止。賓右手執皮弁。後左手執皮弁。前進如前儀。祝曰。冠禮申舉。以成令德。敬慎威儀。維民之式。樂作。內侍釋翼善冠。賓跪進皮弁。興復位。贊者跪正皮弁。興立於賓後。樂止。禮部官啓易服。

皇太子入帷幄。易皮弁服。舄出。禮部官啓復坐。鳴贊。贊行三加冠禮。樂作。內侍揭蓋袱。以盤捧冕旒。陞賓降階。三等受之。樂止。進如前儀。祝曰。章服咸加。飭敬有虔。永固。

皇圖於千萬年。樂作。內侍釋皮弁冠。賓跪進冕旒。舉復位。贊者跪簪結紘。興立於賓後。樂止。禮部官啓易服。

皇太子入帷幄。易袞服出。禮部官啓復坐。鳴贊贊行醕禮。禮部官啓。

皇太子詣醴席。樂作。禮部等官引。

皇太子降自東階。由西階陞。即醴席南向坐。樂止。光祿寺官舉醴卓。樂作。引禮序班引賓贊詣盥洗所。賓贊搯笏盥手訖出。笏陞西階。贊者取爵詣司尊所。酌醴授賓。賓執爵詣席前立。樂止。祝。

日。旨酒孔馨。嘉薦載芳。受天之福。萬世其昌。畢。  
賓跪進爵。鳴贊贊。

皇太子稽首。受爵置於案。教坊司啓樂奏喜千春  
之曲。次啓進酒。

皇太子舉爵飲訖。奠爵於案。樂止。光祿寺官進饌。  
樂作。饌至案。樂止。饌訖。贊出。主徹卓。賓贊復位。  
鳴贊贊受。

勅戒。禮部官啓請。

皇太子詣受勅戒位。禮部等官引。

皇太子降自西階。由東階詣拜位。樂作。引禮序班。

引宣勅戒官詣

皇太子拜位稍東。西向立。樂止。稱有制。鳴贊贊跪。

皇太子跪。宣

勅。戒曰。孝事君親。友于兄弟。親賢愛民。居仁由義。毋怠毋驕。茂隆萬世。樂作。贊俯伏。興。四拜。興。平身。樂止。禮部官捧節出。樂作。禮部等官引

皇太子送節至殿門外。引還東序。內侍引還宮。持節及賓贊宣勅戒等官復

命。當日。

皇太子具冕服謁祭

奉先殿用樂行禮如常儀畢詣

太皇太后前謝詣

皇太后前謝詣

上位前謝詣

皇后前謝俱行五拜三叩頭禮俱用樂次日早

上位具皮弁服御華蓋殿鴻臚寺奏請陞殿文武百

官具服稱賀詞曰

皇太子冠禮既成禮當慶賀行五拜三叩頭禮畢

就詣

文華殿行賀

皇太子禮錦水衛陳設儀仗如常儀

弘治八年以後同增謁祭

奉慈殿用樂行禮如常儀

嘉靖二十八年定

皇太子冠以

孝烈皇后几筵未徹先是遣內命婦告

几筵如告

廟之禮既冠謁祭

几筵行禮如



奉先殿。但不用樂。謁見所生。

皇妃行四拜禮。亦不用樂。冠之日。原遣告。

廟官及

內閣。詹事府。坊局。官儀制司。官俱入侍班。錦衣衛  
掌印官。入侍衛。餘同前儀。

大明會典卷之六十四

大明會典卷之六十五

禮部一十二

冠禮三

皇太孫冠禮

按永樂八年

命皇孫監國稱

皇長孫及行冠禮始稱

皇太孫云

永樂九年定

前期二日各執事官於禮部習儀次日赴  
華蓋殿習儀前期錦衣衛設幕次於

華蓋殿之東序。鴻臚寺設掌贊宣勅戒等官位於殿內道之東。北向。西上。設應行禮官屬位於內道東。西上。設護衛武官位於內道之西。東上。設諸執事起居位於武官位之東。北向。設通贊典禮二人位於殿內。東西相向。內侍設

皇太孫冠席於殿內。東南。西向。設醴席於西上。南向。張帷幄於東序內。陳設裯褥於幄中。又張帷於序外。內侍陳服於帷內。東領北上。袞服九章。翼善冠。絳紗袍。緇纁網巾。犀簪三物同箱。在服南。櫛實於箱。又在南。司尊實醴於側。尊加勺。鼻

設於醴席之南。設坫於尊東。置二爵於坫。進饌者實饌。設於尊北。諸執事者皆立於其所。冕九旒。翼善冠。緇纁網巾。各以箱盛。是日早。

上御奉天殿傳

制遣官。

制詞曰。朕皇太孫某冠。命卿等持節行禮。傳制畢。掌冠官持節至。

華蓋殿行禮。候節至。禮部鴻臚寺等官詣東序啓皇太孫出迎殿門外。贊禮導

皇太孫迎節。至殿置於中。設香案。樂作。贊禮贊

皇太孫行四拜禮畢。禮部等官啓

皇太孫詣冠席。內侍二人夾侍。

皇太孫即席正南向。樂止。引禮引賓贊以次詣盥洗。樂作。搢笏盥手訖。手訖出笏。樂止。陞自西階。執緇纁及網巾者陞。掌冠降一等受之。進

皇太孫席前北面立。祝祝詞同東宮畢。供奉官束髮掌

冠跪加網巾。樂作。賓興席南。北面立。贊冠者北面跪正之。興立於掌冠後。內侍跪進服訖。樂止。掌冠啓

皇太孫復坐。執翼善冠者陞。掌冠降二等受之。右

執項左執前進

皇太孫席前北面立祝

詞亦與東官同

畢乃跪冠樂作掌

冠興席南北面立贊冠進席前北面跪正冠興

立於掌冠後

皇太孫興內使進絳紗袍服訖樂止掌冠啓

皇太孫復坐贊冠進席前北面跪脫翼善冠置於

箱興內侍跪脫服亦置於席執采冕者陞賓降

三等受之右執項左執前進

皇太孫席前北面立祝

詞亦與東官同

畢乃跪冠樂作掌

冠興席南北面立贊冠者進席前北面跪簪結

紘興立於掌冠後。內侍跪進袞服訖。樂止。禮部等官引。

皇太孫降自東階。樂作。由西階陞。即醴席南向坐。樂止。引禮引掌冠詣盥洗。樂作。搢笏盥手訖。出笏陞西階。樂止。贊冠者取爵詣司尊所酌醴授掌冠。掌冠受爵跪進於

皇太孫席前北面祝

詞亦與東官司畢。

皇太孫搢圭受爵。樂奏喜千春之曲。飲訖奠爵。進饌者捧饌設於

皇太孫席前。

皇太孫饌訖。出主。執事徹饌。樂止。禮部等官啓請引。

皇太孫降自西階。詣拜位。樂作。就位。引禮引宣勅戒官詣。

皇太孫位稍東。西向。稱有。

制。贊。

皇太孫跪。樂止。聽宣。

勅戒詞。

詞亦與東宮同。

樂作。贊俯伏興。四拜興。平身。樂止。

禮部官啓禮畢。贊禮畢。掌冠官持節出。樂作。禮。

部等官引。



皇太孫送節至殿門外。引還東序。內侍引還宮。掌冠等官復

命。

皇太孫當日謁

廟畢。就詣

上位前謝及

東宮前謝。次日文武百官具朝服稱賀。詞曰。

皇太孫冠禮既成。禮當慶賀。次詣

文華殿稱賀。次詣

皇太孫前行賀禮。

親王冠禮

洪武二十六年定

前期三日各執事官於禮部習儀至日傳

制遣官持節行禮前期儀衛司先設

王邸在東京張帷幄設衾褥於序中又張帷於序

外儀禮司設掌贊宣勅戒等官序立位於

王邸東稍西向具九旒冕翼善冠絳紗袍等服并

網巾金簪二物各以箱盛候持節者至禮部儀

禮司等官落

王出迎門外贊禮等

王行節入

王邸置中庭樂作贊

王詣香案前四拜畢禮部等官啓就冠席西南  
內侍二人夾侍樂止引禮引賓贊以次詣盥洗  
樂作搢笏盥手樂止通贊典儀二人露臺東西  
向冠席在東序南向醴席在西南向行禮之  
時諸執事官陞自東階稍西向掌冠者執網巾  
陞賓降一等受之進

王席前稍北面立祝曰惟茲吉日冠以成人克敦  
孝友福祿來臻畢供奉官東疑掌冠跪進網巾

樂作贊冠者跪正之興立掌冠後內侍跪進服訖樂止掌冠啓

王復坐執翼善冠陞賓降二等受之右手執冠後左手執冠前進如前儀祝曰冠禮斯舉寔由成德敬慎威儀惟民之則畢跪進冠興樂作掌冠啓復坐贊冠進跪脫翼善冠興內使跪脫袍服執衮冕者陞賓降三等受之進如前儀祝曰冠至三加命服用章敬神事上永固藩邦跪進服興樂作贊冠跪替結紉興立掌冠後王興內侍跪進衮服訖樂止禮部官引

王降自東階。樂作。由西階陞醴席。南向坐。樂止。引禮引掌冠詣壘洗。樂作。搯笏盥手訖。陞西階。樂止。贊冠者取爵詣司尊所。酌醴授賓。賓跪進席前。北面祝曰。旨酒嘉薦。載芬載芳。受茲景福。百世其昌。畢。

王搯圭受爵。樂奏喜千春之曲。飲訖。奠爵。進饌。饌訖。出圭。樂止。引禮啓。

王降自西階。詣東序。易服訖。請。

王詣拜位。樂作。引禮引宣勅戒官。至中庭。西向立。稱有。

制。

王跪樂止宣

勅戒曰孝於君親友於兄弟親賢愛民率由禮義毋溢毋驕永保富貴樂作俯伏興四拜興樂止禮部官啓禮畢樂作引

王還樂止掌冠等官復

命王是日謁

廟畢就詣

父皇及

東宮前謝次日百官稱賀畢詣

王府行叩頭禮

成化二十三年更定

前期各執事官於

奉天門前東廡習儀三日。鴻臚寺設

王冠所於

奉天門前東廡左順門之北。設節案香案各一於廡內之北。正中設冠席於東階之上。西向。設醴席於西階之上。東向。光祿寺設司尊所一於東階之下。稍南。設盥洗所一於司尊所之南。內侍設帷幄於香案之東。冠席之後稍北。俱西向。帷

中設坐椅几案各一。別設案於東階之南。司尊所之北。具翼善冠皮弁九旒冕。皆以盤盛。紅袂覆之。置於案。具袍服皮弁服衮服圭帶舄等物。皆以箱盛。置於幄中案上。教坊司設樂於南。是日早。

皇上預告

奉先殿畢。具皮弁服

御華蓋殿。鴻臚寺奏請陞殿傳

制遣官持節行禮。文武百官各具朝服侍班如常儀。至期。內侍導



王先於帷幄中坐候。持節將至。禮部官啓。

王迎節。樂作。禮部官同鴻臚寺卿導。

王出階下。節至。持節官捧節。入置於北正中案上。  
樂止。

王隨節入。持節官立於節案之東。賓及宣勅戒宣。  
視等官序立於東南盥洗所之次。禮部官鴻臚  
寺卿導。

王詣香案前立。樂作。行四拜禮畢。樂止。禮部官啓。  
王就冠席。樂作。禮部官同鴻臚寺卿導。  
王詣冠席坐。樂止。內侍二人侍立於。

王左右。鴻臚寺鳴贊贊行。初加冠禮。樂作。引禮序班引賓詣盥洗所。搢笏盥手訖。樂止。鳴贊二員稍南北向立。賓陞自東階。稍西向。樂作。內侍揭蓋袂以盤捧翼善冠陞。賓降一等受之。樂止。賓右手執冠後。左手執冠前。詣

王席前。稍東面立。贊宣祝。宣祝官祝曰。

祝詞與洪武年同

祝訖。樂作。賓跪進冠訖。興復位。樂止。禮部官啓易服。

王入帷幄。易新袍服出。禮部官啓復坐。鳴贊贊行。再加冠禮。樂作。內侍揭蓋袂以盤捧皮弁陞。賓

降二等受之。樂止。賓以右手執弁。後左手執弁。前如前儀。贊宣祝。宣祝官祝曰。詞與前同。祝訖。樂作。內侍釋翼善冠。賓跪進皮弁。訖。興復位。樂止。禮部官啓易服。

王入帷幄。易皮弁服。易出。禮部官啓復坐。鳴贊贊行三加冠禮。樂作。內侍揭蓋。祇以盤捧冕旒陞。賓降三等受之。樂止。進如前儀。贊宣祝。宣祝官祝曰。詞與前同。祝訖。樂作。內侍釋皮弁。賓跪進冕旒。訖。興復位。樂止。禮部官啓易服。

王入帷幄。易衮服出。禮部官啓復坐。鳴贊贊行爵

禮禮部官啓

王詣醴席。樂作。禮部官同鴻臚寺卿引

王降自東階。由西階陞醴席。東向坐。樂止。光祿寺

官舉醴。卓置於前。樂作。引禮序班引賓詣盥洗

所。搯笏。盥手訖。取爵詣司尊所酌醴。由西階陞

詣席前立。樂止。贊宣祝。宣祝官祝曰。詞與祝訖。

賓跪進爵。鳴贊贊

王搯圭。受爵置於案。教坊司啓樂奏喜千春之曲

次啓進酒

王舉爵飲訖。奠爵於案。賓興。樂止。光祿寺官進饌。

大樂作。饌至。素樂止。饌訖。贊出圭。徹卓。賓復位。  
鳴贊贊受。

勅戒禮部官啓

王詣受

勅戒位。禮部官鴻臚寺卿引

王降自西階。由東階詣拜位立。樂作。引禮序班引  
宣勅戒官至庭中。西向立。樂止。稱有

制。鳴贊贊

王跪。宣

勅戒。

詞典樂作。

王俯伏興。四拜興。樂止。鴻臚寺卿啓禮畢。持節官捧節出。

王送出門外。節行至階下。內侍引

王還帷中。釋袞冕。具翼善冠服。回宮。持節及賓贊宣勅戒等官復

命。是日。

王具冕服謁祭

奉先殿。用樂行。如常儀。仍具冕服謁見

皇太后畢。謁見

皇上

皇后俱行五拜三叩頭禮。次謁

皇妃

東宮及妃。各行四拜禮。皆用樂。次日早。

皇上常服陞金臺。百官常服稱賀。致詞云。

皇子某王冠禮已成。禮當稱賀。行五拜三叩頭禮。畢。是日朝罷。司禮監請

王具常服詣

奉天門前東廡坐。百官常服行四拜禮。嘉靖二十八年。

裕王冠禮。萬曆五年。

肅王冠禮。儀俱同。但賓自致祝。不用宣祝官。百官稱賀俱吉。休。

大明會典卷之六十五



大明會典卷之六十六

禮部二十四

冠禮圖

品官冠禮

洪武三年定

前期擇日。主者告於家廟。無廟則告於祠堂。北面再拜。告云。某之子某。年漸長成。將以某月某日。加冠於其首。謹以告。乃筮賓。主者北面再拜。告云。卜以某甲子吉。冠某。速某賓加冠。庶幾臨之。謹告。前二日。主者戒賓及贊冠者。主者至賓大門外。掌次者引之次。僮者受主者之命。入告。

賓曰。某之子某將加冠。願吾子教之。賓曰。某不  
警。恐不能供事。以辱吾子。敢辭。主者曰。某猶願  
吾子教之。賓曰。吾子重有命。某敢不從。主者再  
拜。賓荅拜。主者還。賓拜送。主者戒贅冠者亦如  
之。亦通使子弟戒之前一日。掌事者設次於大門外之

右南向。其日夙興。掌事者設洗於堂。階東南

東西當東。雷。

六品以下當東坐

南北以堂深。盥水在洗

東。加勺。暴。篚在洗西。兩肆實巾。一於篚。加暴席

於東房內。西牖下。

無房者張帷焉之

陳服於席東。領北

上。莞筵四。加藻席四。在南側。尊。醴。醴在服北。加

勺幕設站

四品以下設能無站

在尊北。饌陳於站北。設洗

於東房近北。盥水在洗西。篚在洗西北。肆實以

巾。質明賓贊至於主者大門外。掌次者引之次。

賓贊公服。諸行事者各服其服。

無公服者服常服

執尊

罍篚者皆就位。其冠各一箱。各一人執之。侍於

西階之東。東面北上。設主者之席於阼階上。西

面賓席於西階東面。冠者席於主者東北。西面。

主者公服。立於阼階下。當東序西面。諸親公服

非公服者常服。立於罍洗東南。西面北上。

尊者在別

室。儕者公服。立於門內道東北面。將冠者

雙童皆空

頂。憤。雙。王。導。金。寶。飾。采。務。相。錦。立。於。房。內。南。面。  
紳。烏。皮。履。六。品。以。下。導。不。以。玉。

主者贊冠者公服。立於房內戶東西面。賓及贊冠出次立於門西。贊冠者少退。俱東面北上。賓者進於主者之左北面受命。出立門東西面。曰敢請事。賓曰某子有嘉禮。命某執事。僮者入告。

主者迎賓於大門外之東。西面再拜。賓答拜。凡主

賓拜揖皆贊禮者相導主者揖贊冠者。贊冠者報揖。主者

又揖賓。賓報揖。主者入。賓及贊冠者次入。及內

門行至階。主者立於階東。西面。賓贊立於階西。東面。主者請陞。賓曰

某備將事敢辭。主者固請。賓固辭。主者終請。賓

三辭。主者陞自阼階。立於正東。西向。賓陞自西階。立於席西。東向。贊冠者及席盥於洗。陞自西階。入於東房。立於主者贊冠者之南。俱西面。主者贊冠者引將冠者立於房外之西南面。賓之贊冠者取纁櫛簪。跪奠於冠者筵南端。席北稍東。西面立。賓揖將冠者。賓主俱即席坐。將冠者進陞席西南坐。賓之贊冠者進筵前。東面跪脫雙童髻。置於箱。櫛畢。設纁。興復位立。賓主俱興。賓降至罍洗。盥手訖。詣西階。主者立於席後。西面。賓立於西階上。東面。執緇布冠者陞授賓。賓

降一等受之。右執項。左執前。進將冠者。筵前東向立。祝曰。令月吉日。始加元服。棄爾幼志。慎爾成德。壽考維祺。介爾景福。乃跪冠。興。復西階上席後東面立。賓之贊冠者。進筵前東面跪結纓。興。復位。冠者興。賓揖冠者。冠者適房。賓主俱坐。冠者著青衿素裳之服出房戶西南面立。賓主俱興。賓揖冠者。冠者進陞席西向坐。賓之贊冠者跪脫緇布冠。置於箱。櫛畢。設纓。興。復位。執進賢冠者陞。賓降二等受之。右執項。左執前。進冠者筵前東向立。祝曰。吉月令辰。乃申爾服。恭爾威儀。淑

慎爾德。眉壽萬年。永受胡福。乃跪冠。興復位。賓  
之贊冠者跪設簪結纓。興復位。冠者興。賓揖冠  
者。冠者適房。賓主俱坐。冠者紗出自房戶西  
南面立。賓主俱興。賓揖冠者。冠者進陞席西向  
坐。賓之贊冠者跪脫進賢冠置於箱。搯畢設纓。  
興復位。執爵弁者陞。賓降三等受之。右執項。左  
執前。進冠者筵前東向立。祝曰。以歲之正。以月  
之令。咸加爾服。兄弟具在。以成厥德。黃耆無疆。  
受天之慶。乃跪冠。興復位。賓之贊冠者跪設簪  
結纓。興復位。冠者興。賓揖冠者適房。賓主俱坐。

主者贊冠者徹纁櫛替箱及筵入於房。又設筵於室戶西南向。冠者若爵弁之服出房戶西南面立。賓主俱興。主者贊冠者盥手洗解於房酌醴出房南面立。賓揖冠者冠者就筵西南面立。賓進受醴。進冠者筵前北面立。祝曰。甘醴維厚。嘉薦令芳。拜受祭之。以定爾祥。承天之休。壽考不忘。冠者筵西拜受解。賓復西階上東面答拜。執饌者奉饌薦於冠者筵前。冠者左執解。右取脯祭於籩豆之間。贊冠者取肺一以授冠者。冠者奠解於薦西以祭。冠者坐。取解祭醴。奠解再拜。執



觴興賓答拜。賓主俱坐。冠者陞筵跪奠。觴於薦  
東。興進北面跪取脯。降自西階。入見母。進奠脯  
於席前。退再拜以出。冠者母不在。則使人受脯  
於西階下。初冠者入見母。賓主俱興。賓降當西  
序東面立。主者降當東序西面立。冠者既見母  
出。立於西階東南面。賓少進。字之曰。禮儀既備。  
令月吉日。昭告爾字。爰字孔嘉。髦士攸宜。宜之  
於嘏。永受保之。曰。伯某甫。冠者曰。某雖不敏。夙  
夜祇奉。賓出。主者送於內門外。主者西向請賓  
曰。吾子辱執事。請禮從者。賓曰。某得將事。敢辭。

主者固請賓曰。某既不得命。敢不從。賓就次。主者入。初賓出。冠者東面見諸親。諸親拜之。冠者答拜。冠者西面拜賓之贊冠者。賓之贊冠者答拜訖。見諸尊於別室。賓主既釋服。改席訖。賓與衆賓俱出次。立於門西東面。主者出門東西面。主者揖賓。賓報揖。主者先入。賓及衆賓從之。玉階賓立於西階上。贊冠者在北少退。俱東面。主者立於東階上。西面。衆賓降立於西階下。東面。掌事者以幣篚授主者。主者授幣篚於賓。賓受之。又以幣篚授贊冠者。贊冠者受之。俱復位。

主者還阼階上北面拜送賓贊。降自西階。主者送賓於大門外之東西面再拜。賓出。主者入。孤子則諸父諸兄戒賓冠之日。主者紒而迎賓。拜揖讓如冠主。冠於阼階之下。禮賓拜送皆如上儀。明日見廟。冠者朝服質明贊禮者引入廟南門中庭道西北向贊再拜訖引出。

士庶冠禮

洪武三年定

凡男子年十五至二十皆可冠。將冠筮日筮賓於祠堂。戒賓俱同品官儀。是日夙興張帷為房。

於廳事之東。賓主人執事者皆盛服。設盟於阼。階下東南陳服於房中西牖下。東向北上。席二在南。酒壺在服北次。盞注置於卓。幘頭帽巾各盛以盤。蒙以巾帕。執事者三人捧之。立於堂下西階之西南向東上。主人立於阼階下。子弟親戚立於盟東。賓者立於門外以俟賓。將冠者雙紒袍勒帛素履待於房中。賓至。主人出迎。揖而入。坐定。將冠者出於房。執事者請行事。賓之贊者取櫛總篋幘頭置於席南端。賓揖將冠者。將冠者即席西向坐。賓之贊者為櫛合紒施總加。

幪頭賓主皆降主人立於阼階下賓盥訖主人  
揖讓陞自西階皆復位執事者以巾進賓降西  
階一等受之詣冠者席前東向祝云跪為著  
巾興復位冠者興賓揖冠者適房易服服深衣  
大帶出房即冠席賓盥訖降二等受帽進祝贊  
者徹巾賓跪冠興復位冠者興賓揖冠者入房  
易服服襴衫腰帶出房即冠席賓盥訖降三等  
受幪頭進祝三祝皆同贊者徹帽加幪頭復位  
冠者興賓揖冠者適房易公服出房執事者徹  
冠席入帷中更設醴席於西階南向贊者酌醴

出房立於冠者之南賓揖冠者即醴席西向立

賓受醴詣席前北面

祝同品

冠者於席西拜受

賓答拜執事者薦饌冠者即席坐飲食訖再拜

賓答拜冠者辭席立於西階之東南向

賓字同

冠者拜賓答拜冠者拜父母父母為之起拜諸

父之尊者遂出見鄉先生及父之執友先生執

友皆答拜訖賓退主人請禮賓賓辭固請許諾

乃入設酒饌延賓及僎贊者賓退主人酬賓贊

侑以幣乃拜謝禮畢主人以冠者見祠堂告曰

某之子某冠畢敢見冠者北面焚香再拜出

大明會典卷之六十六